


伍

醫

貫

卷五



醫貫卷之五

先天要論

齒論

眼齒口耳諸雜症必須詳看準繩趙氏
只補用六味八味耳他無發明

素問云男子八歲腎氣實而齒生更三八真牙
生五八則齒稿入八而齒去矣女子亦然以
爲數蓋腎主骨齒者骨之標髓之所養也凡
屬腎上下斷屬陽明上斷痛喜寒而惡熱取
陽明胃下斷痛喜熱而惡寒取手陽明大



動搖袒脫而痛或不痛或出血或不出血
如欲落之狀者皆屬腎經曰腎熱者色黑而
稿又曰少陰經病者面黑齒長而垢其蟲痛
腫不動潰爛痛積者皆屬陽明或諸經錯雜
邪與外因爲患俱分虛實而治腎經虛寒者安
腎丸還少丹重則八味丸主之其冬月時大寒
犯腦連頭痛齒牙動搖疼痛者此太陽並少陰
傷寒也作景川麻黃附子細辛湯凡腎虛者多
有之如齒痛搖動肢體倦怠飲食少思者脾腎

虧損之症用安腎丸補中益氣並服如喜寒惡
熱者乃胃血傷也清胃湯若惡寒喜熱者胃氣
傷也補中益氣湯

齒痛責陽明者十之六七責腎陰者十之三
四若腎寒須服大熱者十一而已亦有因多
服熱藥及誤做坐
功而致齒痛者

凡齒痛遇勞即發或午後甚者或口渴面黧或
遺精者皆脾腎虛熱補中益氣用六味丸或十
全大補湯

若齒斷腫痛燉連頤頰此胃經風熱用犀角研

府湯

若善飲者齒痛頤頰焮腫此胃經濕熱清胃湯
加葛根或解醒湯

海藏云牙齒等齲臭穢不可近數年不愈當作
陽明畜血治桃仁承氣爲細末蜜丸服之好飲
者多此症屢服有效

凡小兒行遲語遲齒遲及顙門開者皆先天母
氣之腎衰須腎氣丸爲主

固齒方



雄鼠骨

當歸

沒石子

熟地

榆皮

青鹽

細辛

各等分

右研爲細末綿紙裹成條拔牙床上磨不
固不落矣嘗有人齒縫出血者余以六味
地黃加骨碎補大劑一服卽瘥間有不瘥
者腎中火衰也本方加五味肉桂而愈

口瘡論

口瘡上焦實熱中焦虛寒下焦陰火各經傳變
所致當分別而治之如發熱作渴飲冷此實熱



北京中医药大学图书馆藏

也輕則用補中益氣重則用六君子湯飲食少

思大便不實此中氣虛也用人參理中湯

逆冷肚腹作痛此中氣虛寒用附子理中湯

熱內熱不時而熱此血虛也川芎物加丹皮五

味麥冬發熱作渴唾痰小便頻數此腎水虛也

用八味丸日哺發熱或從小腹起陰虛也用四

物參朮五味麥冬不應加減八味丸

更加門冬一味

妙甚則加附子若熱來復去晝見夜伏夜見晝伏不時

而動或無定處或從脚起乃無根火也亦用前



九及十全大補加麥門五味更以附子末唾津
調抹湧泉穴若槩用寒涼損傷生氣爲害輕
或問虛寒何以能生口瘡而反用附子理中耶
蓋因胃虛穀少則所勝者腎水之氣逆而承之
反爲寒中脾胃衰虛之火被迎炎上作爲口瘡
經曰歲金不及炎火乃行復則寒而暴至陰厥
乃格陽反上行民病口瘡是也故用參朮草補
其土姜附散其寒則火得所助接引而退舍矣
按聖濟總錄有元藏虛冷上攻口舌者用巴戟



白芷高良姜末猪腰煨服又有用丁香胡椒
脂細辛末蘇木湯調塗舌上有用當歸附子
炙合麝若此之類皆治龍火上逆心肺之陽
得下降故用此以引火歸原也

耳論

耳者腎之竅足少陰之所主人身十二經絡中
除足太陽手厥陰其餘十經絡皆入於耳惟腎
開竅於耳故治耳者以腎為主或曰心亦開竅
於耳何也蓋心竅本在舌以舌無孔竅因寄於



耳此腎爲耳竅之主心爲耳竅之客爾以五藏
開於五部分陰陽言之在腎肝居陰故耳目
竅陰精主之在心脾肺居陽故口鼻舌三竅陽
精主之靈樞云腎氣通乎耳腎和則能聞五音
五藏不和則七竅不通故凡一經一絡有虛實
之氣入於耳者皆足以亂其聰明而致於聾聵
此言暴病者也若夫久聾者於腎亦有虛實之
異左腎爲陰主精右腎爲陽主氣精不足氣有
餘則聾爲虛若其人瘦而色黑筋健骨壯此精

氣俱有餘固藏閉塞是聾爲實乃高壽之兆也
二者皆稟所致不須治之又有乍聾者經曰不
知調和七損八益之道早衰之節也其年未五
十體重耳目不聰明矣是可畏也其症耳聾面
頰黑者爲脫精腎憊用安腎丸八味丸菴蓉丸
薯蕷丸選而用之若腎經虛火面赤口乾痰盛
內熱者六味丸主之此論陰虛者也至於陽虛
者亦有耳聾經曰清陽出上竅胃氣者清氣元
氣春升之氣也同出而異名也今人飲食勞倦



脾胃之氣一虛不能上升而下流於腎肝故陽

氣者閉塞地氣者冒昧

陽氣地氣二句不明白

邪害空

令人耳目不明此陽虛耳聾須補中益氣湯有

能調養得所氣血和平則其聾漸輕若不知自

節日就煩勞卽爲久聾之症矣

又有因虛而外邪乘襲者如傷寒邪入少陽則

耳聾脇痛之類當各經分治之

又有耳痛耳鳴耳痒耳膿耳瘡亦當從少陰正

竅分寒熱虛實而治之者多不可專作火與外

邪治耳鳴以手按之而不鳴或少減者虛也手
按之而愈鳴者實也王節齋云耳鳴盛如蠟或
左或右或時閉塞世人多作腎虛治不效殊不知此是痰火上升鬱於耳而爲鳴甚則閉塞矣若其人平昔飲酒厚味上焦素有痰火只作清痰降火治之大抵此症多先有痰火在上又感惱怒而得則氣上少陽之火客於耳也若腎虛而鳴者其鳴不甚其人必多慾常見勞怯等症

惟薛立齋詳分縷析云血虛有火用四物加山

柴胡中風虛弱用補中益氣湯若血氣俱
虛用八珍湯加柴胡若怒便聾而或鳴者屬肝
胆經氣實用小柴胡加芎歸山梔虛用八珍湯
加山梔若午前甚者陽氣實熱也小柴胡加黃
連山梔陽氣虛用補中益氣湯加柴胡山梔若
午後甚者陰血虛也四物加白朮茯苓若腎虛
火動或痰盛作渴者必用地黃丸
耳中闐闐然是無陰也又液脫者腦髓消脰瘦
耳數鳴宜地黃丸

腎虛耳內潮聲蟬聲無休止時妨害聽聞者當
墜氣補腎用正元飲燕黑錫丹開進安腎丸腎
藏風耳鳴夜間睡著如打戰鼓更四肢抽掣痛
耳內覺風吹奇痒宜黃芪丸腎者宗脈所聚耳
爲之竅血氣不足宗脈乃虛風邪乘虛隨脈入
耳氣與之搏故爲耳鳴先用生料五苓散加製
枳殼橘紅紫蘇生姜同煎吞青木香丸散風邪
下氣續以芎歸飲和養之耳中聆聾耳鳴耳聾
內有汚血宜柴胡聰耳湯



其餘耳痛耳痒耳腫等症與薛氏論相參用之
丹鉛續錄云王萬里時患耳痛魏文靖公勸以
服青鹽鹿茸煎雄附爲劑且言此藥非爲君虛
損服之曷不觀易之坎爲耳痛坎水藏在腎開
竅於耳而在志爲恐恐則傷腎故耳痛氣陽運
動常顯血陰流行常幽血在形如水在天地間
故坎爲血卦是經中已著病症矣竟餌之而良
愈

聖惠云有耳痒一日一作可畏直挑剔出血稍

愈此乃腎藏虛致浮毒上攻未易以常法治也
宜服透水丹勿飲酒啖濕麵雞猪之屬能盡
月爲佳不能戒無效

耳瘡論

羅謙甫云耳內生瘡者爲足少陰腎經也其氣
通於耳其經虛風熱乘之隨脈入於耳與氣相
搏故令耳門生瘡也曾青散主之黃連散亦可
內服黍粘子湯

丹氏云耳內生瘡屬手少陽三焦經或足厥陰肝經

